

瓊州府志卷之三十一

官師 二 宦績中

明

廖永忠巢縣人洪武元年拜征南將軍帥舟師由海道取廣東諸郡勅諭永忠等曰王者之師順天應人所以除暴亂解倒懸以慰民望朕昔平定武昌荆湘諸郡皆望風歛附常遇春克贛州安南嶺南數郡邑相繼來歸此無他師出以律人心悅服故也今兩廣之地遠在南方彼此割據民困久矣定亂安民正在今日若先遣人人宣布威德以招徠之必有歸歛迎降者慎勿殺

瓊州府志

卷三十一

官師 宦績

一

掠沮向化之心且廣東要路惟在廣州廣州既下則循海州郡可傳檄而定海南北海北以次招徠肅清南服在此一舉永忠發書諭元左丞何真曉譬利害真奉表降馳諭九真日南珠崖儋耳三十餘城皆納印請吏兩廣悉平

阮通志 祀名

宦

朱亮祖六安人洪武元年為征南副將軍與廖永忠帥舟師取廣東四月奉詔諭諸郡縣二年師搗雷州威聲所至黎民歛服樂會小踢崗長王官泰頓兵不散軍抵其地獲之還瓊撫民除暴安集歸附恩威大布海外輯寧爵永嘉侯

賈祀志



名宦

耿天璧五河人泗國公再成子也洪武元年以嚴州指揮隨征南將軍廖永忠朱亮祖平廣東十二月統軍征海南克儋萬安等城敗小踴崗王官泰招黎人歸化諭諸賊悉降賈志

孫安浙江處州人廣東衛指揮僉事洪武二年偕高郵千戶周旺百戶吳成等分司海南開設衛所奏展城池請陞瓊州為廣同上

華高江南含山縣人初以舟師從征累官湖廣行省平章政事封廣德侯洪武三年擇熟練水戰總兵往循撫廣東高自請行遂命之以往四年

瓊州府志

卷三

官師 宦績

二

巡海南城池還至瓊州卒訃聞上憫其無子以鐵券納之墓中贈集國公諡武壯黃通志

宋希顏字子淵高郵人以元故官舉用洪武二年授瓊州知州領印開治三年陞州為府擢知府事廉平有善政遷郡署建學宮規模宏遠民樂其役蕭志逾年欽錄去任士民思之黃通志祀名宦

李思迪濟南人元進士遇亂晦處田野洪武初召起任起居注累官山東參政四年謫宰瓊山學博才傑廉明勤恪一應創置舉皆中度革奸貪毀淫祠弊極事繁辦理無虛日公餘輒歌詠自號海濱子因以名集蔡微序之後召回累官尚

書黃通祀名宦

劉時敏浙江會稽人監生洪武二年知澄邁縣理繁治劇事無叢脞創建縣治公廨巡司署宅有經畫草創之功祀名宦蕭志

吳至善江西建昌人洪武二年任定安縣廉幹有為興利除害政聲卓著以憂去邑人思之祀名宦蕭志

周觀湖廣人洪武初任文昌縣開創之初百廢具舉賢勞之績時首推之賈志

王思恭蘇州人洪武二年任樂會縣廉幹有為創公署興水利多所樹立政聲卓著以憂去邑人

瓊州府志

卷三

官師 宦績

三

思之賈志

董俊河南人洪武二年知昌化縣時方新附民猶梗化俊有幹局明禮法安新附勤課農桑作興學校興舉百廢黎民咸樂其業士類多所汲引

後遷睢州知州黃通志

趙瑁宜陽人博學洽聞洪武初由儒士授河南府訓導賈志十五年陞瓊州府知府釐革宿弊吏民

畏服召為左春坊左諭德累官至吏部尚書蕭志

祀名宦

陳槩字丕量北平人洪武初由吳川縣丞陞知瓊山縣治民養士政教亞於李思迪九年自坡院

遷縣學於南郊規制皆其經畫黃通志

魏世吉山東人洪武間知儋州性直不撓為政愷

悌視民若子民至今思之黃通志

陳新廣西臨桂進士洪武六年知會同縣公勤廉

介暇即召生徒講授茅屋蕭然不以介意時有

上官謙者亦廣西人繼新任勤慎相埒秩滿遷

壽州阮通志

吳德用沙縣人洪武十八年由通經秀才任瓊州

府為政和易利澤及民黃通志五指山黎人反側

時出殺人以兵捕之則匿於深林密箐間設伏

弩誤蹈其機輒為所傷斃德用諭以威德遂解

瓊州府志 卷三 官師 宦績 四

散去終其任無滋擾云阮通志祀名宦

劉仕貍字伯貞安福人洪武初以供役為安福丞

張禧所辱仕貍益憤力學區所居室曰悠然晨

夕讀書其中十五年應賢良舉對策稱旨授廣

東按察司僉事分司瓊州瓊在海外民夷錯居

俗獷悍不可繩以法且善蠱上官至輒致所產

珍貨為贄受則喜不受則懼按治蠱殺之仕瓊

者多為所汙仕貍廉且惠輕徭理枉大得民和

雖却其贄夷人不忍害也時張禧適調瓊山丞

以屬吏謁大慚怖仕貍待之與他吏等阮通志

蔡玉和州人洪武十二年由長沙衛揮僉調海南

衛開展城池創立營房建演武亭革酷政恤軍士惠愛及民蕭志

翟興徐州人或曰虞城人由金吾前衛千戶陞海南衛僉事洪武十五年征獨州洋賊擒鍾奴歐等並船六十隻二十一年征瀧水有功二十三

年倭寇海口生擒之追獲其船後陞廣東都指揮僉事卒於官子彝襲祀名宦

桑昭無為州人洪武十七年由金吾前衛揮僉掌海南衛印歷十年愛軍恤民創建清瀾昌化海口三所尊崇學校有司請易東西營地為學宮慨然予之祀名宦俱同上

瓊州府志 卷三

官師 宦績

五

趙謙字撫謙一字古則餘姚人博洽經史世稱考古先生洪武二十五年由國子典簿謫任瓊山教諭黃通志解縉為文送之有曰教官聖人之木

鐸也吾當賀聖人於南海之濱又增一木鐸矣其為時所推重如此謙既至慨然以興起斯文為已任阮通志造就後進一時士類翕然從之文

風丕變守令為築考古臺於學右以為著作之所尤精六書之學著聲音文字通造化經綸圖學範歷代譜讚等書黃通志從之遊者多為名世

大儒二十八年卒於官後侍郎唐胄作墓誌祀

名宦蕭志

孫岳鳳陽人洪武初以勲舊任本衛鎮撫從學趙
考古機謀智勇而廉靜有守始終如一同上

崔帖穆漠北人洪武間任臨高知縣純良好善招
黎向化民經兵革失業者多流亡甫集值歲大
饑疏求賑給三請乃得報可賴以全活者數萬
人黃通志後遷儋州牧亦卓有政聲賈志

陳永彰廬陵人洪武三十年由學博經明任瓊山
知縣寬厚愛民廉能多幹才修復濱壅汙岸及
梁陳陂永樂初以憂去民咸思之黃通志

諸葛平廣西陽朔舉人洪武末應城知縣轉樂會
廉能特達為時所稱奏請裁本縣丞簿後以求

瓊州府志

卷三

官師

宦績

六

賢薦升吏部考功郎中

黃通志

張恕鳳陽人洪武初以父勲任山西護衛揮僉陞
同知調海南衛敦篤謙和涉獵子史永樂五年
征潯州等處十六年督築南山新城祀名宦蕭志

柴英字仲實曹縣人以父裕歸太祖有功洪武乙

亥擢英海南衛揮僉寬厚愛人善於撫御刻弊

興利人皆便焉黎寇王瓶擾澄邁剿平之既三

年授明威將軍廣東瀕海寇常出沒英嚴飭訓

練寇不敢近海道幾萬里其民安生樂業英之

惠也後卒於潮州海門將士莫不垂涕相與具

棺殮昇歸其喪海南軍民咸奔走弔哭

獻徵錄

王伯貞名泰以字行江南泰和人洪武十五年以
應聘詔試經學時務上親擢第一授廣東按察
司僉事分巡海康間民疾苦除害興利召還爲
工部主事尋以憂去坐過期謫舒城復薦擢瓊
州守民間喜曰是嘗巡海康能興利便民者必
能惠我至則以平易寬厚爲政吏民安之先是
崖州尚黎以私怨相讐殺府衛利漁獵欲加兵
伯貞執不可曰果勢張盛今幾數月城當連陷
而隣境尙得晏然阻兵不行廉知寧遠丞黃童
可任事命往察之還報如所言致爲首數人檻
送京黎得無事老幼感泣曰微公吾屬魚肉矣

瓊州府志

卷三

官師 宦績

七

黃通志

永樂二年大旱禱之立雨民皆鼓舞曰太

守雨在郡十五年辟田野興學校政教大行時
瓊田歲常三穫以賦軍軍不時受俟民乏而斂
急則因之以要利伯貞爲立期三輸之而弊絕
流民相率來歸者萬三千餘口以內艱去士庶
泣送之粵東語賢守稱最云賈志所著有瓊州集
正統中以子直貴贈吏部尙書黃通志祀名宦

楊義定遠人以父勲襲河南衛指揮同知陞指揮
使永樂間調海南衛多謀有守軍民畏愛賈志祀

名宦

陶英巴縣人爲留守後衛中所百戶有姊病癱英

調昌化扶姊同來凡越山登舟皆英親負之姊
心不安因渡江自溺英入水救之舟人急拯幸
得兩活至瓊任奉養如母賈志祀名宦

陳敏廣西陸川監生永樂二年知儋州為政寬厚
甚得民心以憂去民告保留後服滿還任九年

民安其化調泗州阮通志

王器字汝器吳江人永樂初任廣州通判為政疾
惡如仇凡所施措民不忍欺以廉能稱陞知本
府丁憂服除改知瓊州廉謹有為政聲益著黃通志

孫秉彝浙江歸安人永樂間以異才任澄邁知縣

瓊州府志 卷三

官師 宦績

清查絕糧增建學校祀名宦蕭志

朱原律江西浮梁人永樂初任臨高縣創建勤勞

慈惠愛民民親之如父母蕭志

陸昇字彥昇廣西靈川舉人永樂初由汾水縣丞

調臨高丞公明勤慎寬恤徭役時久旱焚香祝

天夜夢老嫗訴冤及明獲詐稱牙兵者至詰之

永寧鄉符儂也因得其殺伯母狀寘之法天乃

大雨學士解縉過臨高為題雪冤致雨卷及咏

松詩贈之阮通志昇勤而有惠嘗建太平橋往來

便之賈志

吳定寶江西南昌人永樂間由上海典史擢知定

安縣才能練達善撫民黎革黎人殺牛祀鬼之俗毀其淫祀秩滿民因請復任三年祀名宦蕭志

姚瑾浙江桐廬監生初知豐城有善政永樂間由

欽州牧移崖州寬厚愛民一如豐城任滿去交

章請留調交阯行軍斷事祀名宦郝通志

汪璧明江西貴溪進士永樂十七年知會同縣廉

惠得民講學造士民頌其循良之政至比之召

杜文翁云蕭志

湯衡江西贛州人永樂間由中府都事降尹昌化

慈惠愛民直而不撓時撫黎士官桀驁抗縣居

民深受其害衡具以事聞請削其權俾歸統於

瓊州府志

卷三

官師 宦績

九

州縣自後諸黎斂戢不復敢肆阮通志

方濬江南貴池人永樂間以國子生任臨高興史

公平正直律已以廉愛民如子卓有政聲後陞

刑部主事官至四川參政黃通志

林景郝通志漳浦人永樂間由舉人任樂會教諭

博聞多識訓誨有方講析經義從其遊者多底

於成後陞監察御史同上

鄭濟福建閩縣人永樂間任儋州學正日與諸生

講論不倦尤重品詣曰士先道德而後文藝使

品詣不立雖下筆萬言無取也故諄諄以修齊

為多士勗著有四書書經講說秋蓬集諸生為

刊之以傳於世阮通志

左澄字世瑄南城人永樂戊戌進士歷官御史出

為廣東左參議清理軍務姦偽莫售常抵瓊崖

招諭黎徭悉聽約束秩滿進階大中大夫上局

徐鑑字子明宜與人宣德間以戶部郎中奉敕守

瓊廉靜寡慾孜孜愛民為政簡易大率以勸化

為主不事刑法文案有古循吏風節財用貸逋

負教民樹藝興學課士郡多異產中使阮韋馮

三人歲來索擾見鑑嚴正不可犯且為上屬任

稍斂戢繼有三人踵至凡非所當索限有司弗

與及行所部輒遣騎從之俾不得肆軍官利黎

瓊州府志

卷三

官師 宦績

十

產多啓釁以邀賄鑑鎮以無事皆安堵不為變

黎俗病不服藥惟殺牛祭鬼至鬻子女為禳禱

費鑑以佛老雖非正然不害物命猶善於此乃

許鉅室修飾寺觀以移積習自是有病者不殺

牛而民用稍紓黃通志在瓊四年一郡治安宣德

癸丑秋卒百姓巷哭家祭柩還送者填海濱宏

治初以孫溥貴贈禮部尚書兼文淵閣大學士

賈志祀名宦

陳文驥福建同安人宣德間文昌教諭持正不阿

諄勉訓士垂老手不釋卷學宮湫隘力增擴之

蕭志

曾蘭福建汀州人隨父子榮任府學教授發廣東
宣德己酉科首解任文昌訓導才優學贍訓迪
有方士風用振所著有舉業啓蒙策海集成行

於時黃通志

王孟暉諸暨人由秀才知泗州陞鞏昌守以疑謗

降瓊州同知廉能顯著政事赫然黃通志祀名宦

詹冕鄱陽人正統間同知瓊州為政寬猛得宜郡

邑稱便考滿擢工部郎中轉廣東布政司右參

政黃通志祀名宦

朱珪福建閩縣舉人正統間任澄邁教諭嚴條約

勵士氣師道以尊擢府學教授蕭志

瓊州府志

卷三

官師 宦績

十一

方厚江西弋陽人正統間任定安教諭學問優長

啓迪後進與人講論書義終日不倦或談世務

即不顧而退有古君子風祀名宦蕭志

黃倅福建閩縣人正統間儋州學正嘗選戎籍子

弟穎異者教養之貧者資給膏火故人多感奮

向學郝通志

陳巖福建龍巖州人由監生任昌化知縣正統三

年奏革撫黎士官性慈愛勤儉處事有方本縣

田地浮沙薄土每苦於乾旱教民築堤蓄水因

以灌田自是無亢旱之患民甚賴焉黃通志

龐麟江西吉安人正統間知感恩縣勤勞疆圉捍

衛民生尤能體恤窮簷至隱故蠻荒蕞爾汔可

小康

賈志

周坦福建莆田舉人正統間定安訓導講解經義

寒暑不輟諸生有貧乏者周之邑人吳汝遜遣

子孟矩等從坦學已而孟矩孟衷孟傳孟繼相

繼登科陞武陵教諭所著有經書講說續古千

字文

金通志

揭稽建昌人景泰二年以持郎巡撫至瓊掃除貪

墨黎民如解倒懸祀名宦

賈志

林慶字廷珍莆田監生景泰間知儋州廉介峭直

守法不阿政以節用為本汲汲於興利除害後

瓊州府志

卷三

官師 宦績

三

被誣去民思慕之

黃通志

莫卿廣西平樂人永樂甲午舉人景泰間知樂會

縣救荒恤民修學造士卓有政聲

阮通志

徐瑄字子敬嘉定人正統戊午解元第進士授監

察御史景泰七年出按廣東廉明有威人莫能

窺其際巡歷所至惟以廩粟易蔬肉而已渡海

駐瓊履人所憚擒治奸貪峒黎悅服後擢僉都

御史

同上

鄭璉浙江鄞縣人景泰間知萬州政尚寬簡巡行

阡陌勞來不倦秩滿民赴京奏留在任十有八

載民思慕之

黃通志

杜宥字叔寬江陰人景泰甲戌進士拜監察御史

坐言事貶官海南阮通志任定安典史性剛直不

事阿諛在任嚴捕務勤慎明達士有文行兼優

者公餘不遠數十里攜壺殫躬造其廬與談道

義詢民疾苦終日乃去縣志英廟復辟起知英德

縣志阮通

張寬福建南靖人進士天順間以御史降知定安

縣雅重儒生政平訟簡釐革夙弊時與諸生講

藝文風大振蕭志

呂琳浙西四明人天順間判儋州剛果有為興學

校課農桑化刁強除盜賊政績赫然一時僚佐

瓊州府志 卷三

罕有其匹賈志

朱復莆田人天順間舉人任澄邁教諭學博才贍

獎成後進一時文記多出其手縣志

蔡浩字叔清龍溪人成化初由御史陞守瓊州廉

明務大體治民如治家惟玩法怙終者則必不

貸時嶺南多災異適海南地震衆視爲常浩曰

地方災異此守土者不能承宣德意所致匿勿

告罪也竟奏聞頒行十府匿災者多慙色衆服

其識未幾卒於官妻子淡泊如初至時闔郡悲

之黃通志祀名宦

李田字舜耕嘉魚人景泰甲戌進士歷戶部郎中

擢廣東右參議累遷副都御史

阮通志

涂棐字伯輔江西豐城進士任廣東按察副使奉

敕整飭兵備自棐始修學舍崇儒術舉墜興廢

民黎懷其德至今尚黎稱涂公

明史

成化辛卯

奉璽書來按於瓊政肅風清百蠹以消百廢以

舉民用安輯觀於射圃思闢而新之不欲勞民

乃自為措置材選其良斲選其堅工選其能法

制備具誠可耦進退比禮樂而施弧矢矣又自

損益大射鄉射之禮注為射儀一通俾諸生習

而射之瓊士大夫觀者聽者莫不欣然頌其能

宣德意以翼文化也

刑宥瓊州射圃記

以明倫堂前逼

瓊州府志

卷三

官師 宦績

古

文廟乃退立於書樓基上前置亭豎大方碑隸

刻朱子詩範銅祭器

黃通志

下車之初未遑他務

首市銅鳩工博攷古圖像按其制製之其為器

爵鋤登尊籩豆簠簋凡三百九十有三事費一

出於官而民弗與知昔衛靈公問陳孔子對以

軍旅未學而欲告以俎豆之事今奉命以治軍

旅顧汲汲以俎豆為先蓋有得聖人微意於千

載下者非但紀其成具其數也而其設施先後

之序亦可槩見於斯云

邱濬府學祭器記

黃澗字元浩潮陽人成化間任萬州學正教諭有

方士習用變請徙學於今治以經書授諸生講

明其義受業者多登仕籍郝通志

周泰江西玉山人監生通志作舉人成化間任澄邁縣

廉介平易吏畏民懷祀名宦蕭志

韋裘廣西宜山人澄邁訓導韋誠之子成化間知

澄邁縣政務大體建學校公署創築城垣百廢

俱興士民稱之祀名宦賈志

王鍾江西泰和舉人成化四年知儋州羣盜攻劫

居民鍾選健役募民壯為兵一鼓平之部內清

肅民詣監司請仿郭進故事立屏盜碑許之未

幾卒於官民立祠祀焉阮通志

羅傑江西南昌人成化癸巳守儋州廉正公勤興

瓊州府志 卷三 官師 宦績 五

學校振士風黜淫祠正風俗疏水利馴生黎鼎

新一切公廨橋梁儋之民風文物丕變丁酉以

內艱去百姓號泣隨之黃通志

徐時中字宜之江西餘干人成化癸卯任儋州同

知是時儋守卧病半載而代不至既歿乃以時

中假守案積如山命吏數人連進紙筆斯須剖

決無不允當文翰並美旬日之間塵牘一空為

時所稱阮通志

湯和字清軒新會人成化歲貢知定安縣阮通志時

四黎圍新歸版籍為詳免三差設土舍謹防禦

黎岐患息民甚德之縣志丁內艱服闋入都銓掾

索常例錢和曰我只飲定安一口水安得常例
錢哉遂拂衣歸年八十二卒阮通志

徐琦字廷振浙江諸暨舉人成化中知崖州為政
寬厚不尚苛刻改建學校治橋路興水利選民
問子弟俊秀者教之讀書俾知禮義改知道州
陞福建運同祀名宦蕭志

楊護廣西象州人梁儉江西泰和人成化間相繼
任臨高知縣皆廉明寬仁深知民隱恤民如子
前後官未嘗有也黃通志護承累任苛虐之後政

瓊州府志 卷三

官師 宦績

六

禁而吏無取求民俗大安後以謗累去任新令
梁儉來代百姓戀護如慈母贖者絡繹護堅却
之不去梁曰吾當一屈楊君以慰吾民之心乃
置一帙於門下命贖者書名須臾帙滿持以示
楊勸納所贖及行老稚隨送三十里至舟次者
殆千人儉驚嘆問左右竟其所以莅事皆做護
而尤廉明簡肅民益信服無何報政赴部歸舟
溺於舖前海百姓聞之如喪所親相率招魂海
壖白衣冠迎至縣門為位哭焉阮通志俱祀名宦
蕭敦江西泰和人成化末昌化教諭言信行篤善
於啓迪捐貲造祭器釐正諸賢牌位邑人士稱

之蕭志

潘蕃字廷芳嘉興崇德縣人成化二年進士累官右都御史總督兩廣黎寇符南蛇肆禍海南聚眾號數萬蕃令副使胡富覘得其情調狼士兵討斬之平賊巢千二百餘所獲首酋磔於市論功進左都御史阮通志

瞿俊字世用江南常熟人成化己丑進士宏治四年由御史權副使備兵海南廉潔自持先是黎人時出寇掠俊戒約羣吏修軍政諸黎戢不敢出嘗有貴臣家撓法俊治之不少徇縱鄉有巨室子謁俊於官俊飲食之慮其飢法命官傳送

瓊州府志

卷三

官師 宦績

七

出境其律已嚴不可干以私後以病乞休圖書數卷而已黃通志 祀名宦

劉纓字與清新淦人成化戊戌進士宏治辛亥巡按廣東時鎮守中官上言各堡俘獲幼男寄養軍士宜從宮刑給內用而實無其人比詔取之則旋買良人子腐以斃數腐且三百人斃老十五所須尙千人方買之海南纓聞急渡海抵瓊崖諸屬覈實馳還則所司部五百人方棧舟待處纓亟下守巡官驗非俘獲即日散遣於是其家感恩咸謂曰劉公實生汝汝後有嗣宜以劉姓姓之癸丑還朝累官南京刑部尙書阮通志 卒

年八十二

鍾英字世傑廣西陽朔人成化戊子領首薦宏治二年守儋州廉公簡肅興利除害修學校墾田畝惠政甚多泄任八年不以妻子自隨卒於官囊橐蕭然黃通志州人立祠祀之

宋端儀字孔時莆田人成化時進士宏治九年擢提學僉事崇正學嚴考課教人必身先表率而痛抑浮誕奇險之習甄別造就一時號稱得士或問解元何在儀指鍾芳張世衡以對後衡果首薦芳次之蕭志瓊崖諸州遠在海島前此有九年僅一試者端儀未及五載兩涉鯨波巡撫嘉

瓊州府志

卷三

官師 宦績

六

其勤疏乞旌擢而端儀以衝冒炎瘴病死遠近奔哭瓊士祀之仰止祠阮通志所著有通書解綱目凡例宋行朝錄莆陽廣左志羣書纂要詩傳考証等書祀名宦蕭志

方良永字壽卿莆田人宏治庚戌進士觀政戶部庚申擢廣東按察司僉事未數月瓊州黎賊符南蛇作亂眾至四萬守吏多棄城走良永慨然請行總督劉大夏檄攝海南兵備既至宣布恩信欲招降之賊未即聽命遂調防海兵捕之授以方畧前後俘馘千餘人賊勢大挫旋有與良永異議者貪功輕進挫衄三府惠之碣石雷之白鶴寨瓊之白

沙寨爲三府乃濟師分道并入良永所統紀律嚴甚

廣右狼兵所過騷擾獨畏良永不敢犯居民安

堵運奇制勝遂縛元兇及其餘黨悉平之計擒

斬二千七百有奇御史或忌之欲分以失利罪

時劉大夏入爲司馬嘆曰海南之功當以方僉

事爲第一顧坐以罪邪白於上賜紵絲表裏其

年海北道兵備缺吏部以良永有風力推補之

良永歷二道行部所至皆令官屬籍記行李比

還令啓篋視之以絕點汙巡按御史華璉首薦

於朝以母老疏乞終養歸阮通志祀名宦

吳元南海舉人宏治初任瓊州府學教授行篤學

瓊州府志

卷三

官師 宦績

九

優幾歷三考日升堂講授薰德造就者甚衆卒

於官生徒聚送海門舟去延佇望之揮淚而返

郝通志

袁鎬字世京福建建陽人宏治間由國子生任府

推官折獄詳明罪人讐服會瓊缺守貳鎬攝理

振紀綱除宿弊罪奸吏所部肅然卒於官阮通志

陳策廣西柳城舉人宏治十一年知會同縣政通

人和廉潔自箴修造解宇營繕廟學建平政橋

民歡趨焉既去海道王某作詩以惜之郝通志

毛銳襲封伏羌伯爲兩廣總兵宏治十五年統兵

平符南蛇號令嚴明所至大捷師旋之日一方

晏然

賈志

祀名宦時有都指揮錢璋馬義廉州指

揮楊彪均從征有功

蕭志

湛鉞廉州衛借職指揮使歷廣東都僉性英俊有

文武才好賢禮士宏治間符南蛇叛領兵來援

適賊大掠臨高縣時兵不滿三十眾有懼色鉞

勇氣百倍率奇兵由間道遶賊後大破之擒斬

以千計保全臨高儋州昌化圍威振十三州

邑以兼程冒雨病卒軍民哀之臨高立祠祀焉

蕭志

李恭湖廣寧遠人宏治間知萬州廉明公恕民訟

無大故者諭歸自思之士有俊秀者訓課資給

瓊州府志

卷三

官師

宦績

三

秩滿去任送者墮淚擢温州府同知

賈志

郭興儒廣西平南人宏治間任澄邁主簿為政多

惠澤時值黎人倡亂率民壯從征以首功蒙欽

賞秩滿去任邑人遮泣於道奔送數十里祀名

宦

郝通志

尹輔巴縣舉人宏治間臨高訓導仁厚温和循循

善誘士類從風厯官工部主事祀名宦

蕭志

方玘莆田舉人宏治中澄邁訓導操履端方博學

洽聞以經書授弟子外庠亦趨受業尋陞助教

擢南康府判

郝通志

祀縣名宦

王璉海南衛揮僉正德初督備清萬南三所令嚴

約信每賊至輒挺身出敵七年征鷓鴣黎諸哨
不前琥如期抵會所焚賊巢而還掌衛印裁革
軍士借辦月錢公勻屯種及卒無以為殯官為
給斂蕭祀名宦

王倬字用檢太倉州人成化戊戌進士正德丁卯
官瓊州兵備時新平符南蛇之亂生黎為梗倬
巡視多所俘獲贖還被擄男女若干人崖州千
家村尤猖獗倬屢聲言討之而師不出忽乘其
無備襲其巢穴大破之明日大戰又敗之斬獲
甚眾分三大村為小村以弱其勢奏隸守禦千
戶所自是黎人不復反論者以為奇功倬不以

瓊州府志

卷三

官師 宦績

三

聞晉雲南按察使阮通志其後知州陳堯恩從民
之請建祠州西以祀之侍郎鍾芳為之記蕭祀志
名宦

方向字與義桐城人成化十六年進士正德中以
工科給事中知瓊州廉介有風裁歲旱變服徒
行數十里禱雨輒應管珠池太監章眷至郡橫
索民間向禁不與眷亦少戢入覲時僕私市一
珠索而投諸海阮通志祀名宦

歐陽傅字允弼馬平舉人正德間由天曹歷遷瓊
州守在任三載祛奸析弊政和民安尤喜獎勵
士類澤浹儒林去之日送者泣下蕭志

謝廷瑞長樂人進士正德間守瓊涖官數載清約
節儉廉公有威黎嵩懾服四封安於衽席嘗疏
裁冗官及陳經畫嵩黎之策惜未盡舉行瓊人
有遺憾焉郝通志祀名宦

毛鵠賀縣舉人正德六年授湖廣瀏陽知縣遷高
州通判以捕盜功擢知儋州編高雷瓊三府均
徭及議瓊屬里甲值錢軍需則例清豁儋州無
徵米一千七百石有奇屢立平賊功遷雷州府
同知進階從四品致仕歸壽七十阮通志

傅霖金谿人知定安縣寬惠廉平視民如子均賦
省役獎誘士類風俗為之丕變祀名宦蕭志

瓊州府志

卷三

官師 宦績

三

羅昌耒陽人

賈志作萊陽人

正德間任定安縣清慎公平

役輕訟簡創築城垣經營六載民忘其勞以不
能承上司棄官而去士民懷之祀名宦同上

陳堯恩江南吳縣舉人正德中知崖州興學造士

開馬丹中亭諸溝以疏水利築長橋留坊大道
以通車馬時抱龍羅活諸嵩為梗出師平之兵
民不擾植碑頌德郝通志祀州名宦

曹梅閩縣人正德間知樂會以廉能惠愛名尤善
折獄時值剿殺山賊環營城隅主兵者所乘馬
忽夜間被殺使梅察之曰是必與圍人仇者乃
令諸兵丁同帳者悉出所佩刀以火煨而熟視

之既令各持刀去忽指一人曰殺馬者汝也其人驚懼遂欵伏或問其故曰金史載有盜殺馬者李復亨謂刀鱉馬血火煨之則刀青余憶及之而師其法耳衆皆服其才學兼富云

阮通志

王耕直隸開州人正德間任文昌縣丞推重儒術修學宮建書院與多士講習其中立課程以稽勤惰爲文者親第其甲乙嘗曰縣名文昌吾願諸君有以振興之也期年而秋闈獲雋者三人

僉以爲耕之作育云

同上

胡訓字誨之南昌人宏治壬戌進士正德未擢廣東按察司副使飭兵於瓊瓊去廣城幾二千里

瓊州府志

卷三

官師 宦績

三

且迫近諸蠻於是擇兵馬防要衝積芻糧行開謀綏百姓時黎賊爲害有司但議招撫訓曰不可今之招無異昔之和卽下令諭以禍福不如令者殺無赦有羅活崗者尤克黠訓議剿之以警衆選調官軍往不半月賊面縛降認糧入籍

阮通志

嘉靖二年誅賊符南蛇其從子崇仁文龍

聚黨讐殺諸黎陰助之訓復命儋州同知顧玠撫之劇寇悉平

賈志

於是生熟黎人樂歸者衆州

縣村崗八戶版者以千計訓又謂黎人之劫殺皆由士舍之科斂士舍之科斂皆由有司之貪墨宜端本清源則不令自清矣又兼督學政訓

士以行檢爲先文尙理致而下詞藻士執經闕
難無虛日在瓊數年視官屬如子弟愛百姓如
家人瓊人至今慕之有遺愛碑阮通志祀名宦

陳瑤字仲華全州人任瓊州府同知初至適有崔
寇之役督餉調度綽有餘裕署郡事力懲豪猾
之害民者因刻辨疑事條審決申語名曰守瓊
緒錄未幾致仕去士民保留之不可蕭志祀名宦

楊謨香山人正德間萬州訓導慷慨好義博學治
聞教誨不倦賈志

莊啟愚晉江貢生任府教授師道端嚴與諸生講
論不厭同上

瓊州府志

卷三

官師 宦績

十四

周延字南喬吉水人嘉靖癸未進士累官廣東參
議撫安南征黎寇皆有功三遷廣東左布政使
歷兵部侍郎提督兩廣軍務明史本傳至則節冗費
杜倖功疏陳番舶交易之宜嚴罷瓊州萬州烏
石諸驛歲省數千金二廣又安遷南京吏部尙

書阮通志

游璉字世重福建連江人正德辛未進士歷遷至
海南南兵備副使風采凜然嘉靖十三年沙灣居
林崗曾黎佛二亂璉設策令指揮王守臣集兵
分哨抵其巢獲佛二磔於市餘黨悉平瓊民德
之祀名阮蕭志

商大節字孟堅安陸鍾祥人嘉靖癸未進士為海
北按察僉事性廉介諳權變辛丑征黎有功增
秩賜金幣終副都御史黃通志

程鑑字本虛合肥人世襲指揮僉事博覽經籍史

鑑諸書智勇過人嘉靖初累以戰功遷廣東都

指揮僉事尋充左參將分守肇高廉雷後罷歸

粵大嘉靖二十年陵崖黎亂提督蔡經起鑑往

守斬獲三千六百級功冠諸哨捷聞賞賚有加

二十二年陞副總兵鎮粵西蕭志瓊人愛之咸惜

其去鑑為將與廣右沈希儀齊名而文學過之

著有雪崖集郝通志

瓊州府志

卷三

官師 官績

三

陳圭合肥人襲封平江伯以薦出鎮兩廣嘉靖二

十五年安南范子儀等寇欽廉黎岐賊寇瓊崖

相犄角圭移文安南諭以利害使縛子儀而急

出兵攻黎岐黎岐勢孤敗遁圭能與士卒同甘

苦聞賊所在輒擐甲先登深箐絕壑衝冒瘴毒

無所避以故所向克捷在粵且十年殲諸小賊

不可勝數阮通志

沈希儀字唐佐貴縣人嗣世職為奉議衛指揮使

機警有膽畧屢立平賊功嘉靖二十六年進副

總兵五指山熟黎素畏法供徭賦知州邵濬虐

取之其酋那燕遂結崖州感恩昌化諸黎為亂

總督歐陽必進議并萬州陵水黎討之分兵丑道希儀適病最後至謂必進曰萬州陵水黎未有黨惡之實奈何并誅樹敵莫若止三道必進從之希儀乃偕參將武鸞俞大猷等直入五指山下斬那燕及其黨五千四百有奇俘獲者五之一招降三千七百人捷聞進都督同知明史本傳俞大猷字志輔晉江人舉武進士歷官廣東署都指揮僉事征恩平猺賊及安南范子儀等寇嘉靖二十八年征崖黎進右參將分守瓊州親按各崗推誠撫慰議立參將府遷設縣司屯所於羅活抱顯沙灣嶺脚古鎮州等處適倭寇閩浙

瓊州府志

卷三

官師 宦績

三

撫按交章薦守浙去事竟寢後又平海寇汪直曾一本等官至榮祿大夫前軍都督府署都督同知所著有正氣堂集黎圖說蕭志

周大禮江南進士在兵備紀法嚴明接引士類以轉移民風爲已任甫半載以憂去蕭志祀名宦

史朝宜字直之福建晉江人嘉靖癸丑進士初宰山陽縣歷陞知瓊州府靜鎮不苛嚴馭奸吏治行爲一時最尋擢廣東按察副使治兵海南時海氛猖獗朝宜布恩信更新威令內固岐黎歸附之心外革將吏玩愒之弊嚴飭兵防躬歷白沙清瀾各港海寇李茂吳平之屬聞風東遁民

賴以安累官湖廣右布政使阮通志 祀名宦

顧可久字與新江南無錫人歲在癸甲連第拜行

人其後備兵瓊海以颶風瘴霧意不欲行少宰

霍韜移書趣之不得已之官飭法振紀宣布威

德黎民惴惴罔敢犯者間乃按行諸郡周咨黎

倭出沒之處相其阨塞以籌備禦繪圖為說瞭

如指掌未幾羅活崗黎出劫為盜按圖循蹟遂

窮治之儋崖諸黎五十二部落聞風欵附境內

恬然阮通志 所著有在署讀禮温陵虔州珠崖在

澗諸集獻徵錄

沈應龍字翔卿烏程人嘉靖間進士由刑部主事

瓊州府志 卷三 官師 宦績 三

歷陞廣東布政司參政時有事安南應龍留心

邊圉崖萬黎叛應龍言崖萬與瓊相去數百里

止一兵備不足以辦合設參將於崖州參議於

萬州專任責成協力共濟地方賴以安靜阮通志

趙昊勤縣人嘉靖間以比部郎知瓊州政尚簡易

民間詞訟多罷遣之清操自勗始終如一僚屬

望風砥礪無復有貪墨者常言黎獠猶夫人也

可以德化侍郎鍾芳深以為然阮通志 祀名宦

張峻吉水人領鄉薦嘉靖中守瓊州賦性嚴明勤

於政事時征叛黎十萬之衆仰給於瓊峻調度

有法民不知兵嘗刊四禮節要令民間習行建

崇文書院以課多士凡可裨助元元砥礪風俗
行之如恐不及舊制郡守入計屬邑之遺不下
千金峻一無所受涖政六載其操愈堅與趙昊
俱有清名而才能過之阮通志 祀名宦

楊子充舊志作克字道遺福清人嘉靖甲午鄉薦第一

授泰和教諭歷陞瓊州府同知瓊處海外黎蠻
雜處子充簡騎卒繕營堡練舟師賊徒屏息建
文昌會同樂會三縣城池皆親定形勢嘗署府
篆有賊與獄囚謀亂以計掩捕之巨族徭役多
詭匿乃核丁產行攤平法瓊民稱便立祠以祀

阮通志

瓊州府志

卷三

官師 宦績

天

蕭宏魯江西廬陵人嘉靖初知儋州修社學招生
黎附籍在任七年以廉能著民謠云七載廉能
讓老蕭遷金華府同知賈志

宋塗字德中廣西賓州人嘉靖乙酉舉人初授揭
陽教諭擢銅梁知縣專尚德化進知儋州鋤豪
強寬徭役弭昌江水患復榕莊公田化生黎為
編氓奏立順黎附黎二圖鄉閭安業未幾卒於
官民為巷哭後祀於東坡祠阮通志

韋邦相淮安舉人嘉靖中知萬州政尚寬和不事
敲朴課農禮士禱雨輒應民作遇雨亭以志喜

蕭志

林學福建侯官進士嘉靖中知萬州廉能果斷抑
豪強除苛政重學校教民務本節用禱雨祈晴
呼吸響應士民德之州志

鄭鳳福建紹武貢士嘉靖間判儋州平易謙恭不
以一絲致擾於民州有山產鐵黎居之民庶恆
相聚私爲冶鑄遂招來亡命動與黎人構釁鳳
乃請於上官得罷斥封禁之民黎胥安咸頌德
焉阮通志繼任有戴龍者州民謠云鄭鳳再來天
有眼戴龍不去地無皮賈志

林資深字學靜福建福清人嘉靖丙午舉人授羅
定知州調崖州崖地黎蠻雜處民多失業乃相

瓊州府志

卷三

官師 宦績

三

地浚溝引南北水合注平壤溉田數千頃黎寇
與多港構難撫諭有方境內晏然民爲立碑祠
祀之後遷高州同知阮通志

蕭端升字曰階潮陽舉人先任新會教諭教人首
定志向而要於用功之密論文章事業則曰本
乎涵養論求放心則曰無如靜坐勇於任道接
人以至誠學者稱爲自麓先生尋陞瓊州教授
以端士習變民風爲已任捐俸製祭器選試草
談經課藝取考亭家禮及文莊儀節衷以已意
酌定四禮刊諭瓊士名曰諭瓊禮要民俗遵之

郝通志 祀名宦

秦志道字伯聲廣西象州舉人嘉靖二十三年任
澄邁縣遷建學宮培植士類斥毀淫祠以其田
資諸生膏火祀名宦蕭志

范育材莆縣監生嘉靖間任澄邁縣丞質直好義
奸猾斂迹以老致仕官橐蕭然祀名宦

盧明東莞人嘉靖間澄邁教諭經明行修造士有
法與知縣秦道志遷建學宮舉行鄉射禮遷靖
江府教授祀名宦俱同上

鄢高字時升江西南昌人賦性耿介立志清苦與
人真率無機械明周易正德癸酉領鄉薦嘉靖
丙戌授定安令至卽興學校均里甲撫流移節

瓊州府志

卷三

官師 宦績

三

縮公府煩費歲損十五六凡可以便民者無不
爲之時瓊守以入覲常例誅索屬邑太過高曰
剝民以媚人吾弗爲也遂以此見忤己丑考察
竟以不及調歸後爲湖州教授遷光澤令以子

懋卿貴封御史

黃通志

祀名宦

徐希朱浙江武義人監生嘉靖間知定安縣催科
寬平聽訟明允時大征崖黎調度糧餉無擾於
民黎平署崖州事民懷其德在任十有二年處
之如居家然後遷潯州府判蕭志

馬尙德廣西臨桂舉人嘉靖間知定安縣政尙安
靜有仁恕聲擢儋州牧同上

姚守轍化州人嘉靖間出歲貢任定安教諭嚴正
端方博洽經史啓迪後進以育才爲已任諸士
多所成就嘗修邑志創修啓聖名宦鄉賢祠制
度可觀士感其德賈志

廖經江西崇仁人嘉靖間知文昌縣勤恤民隱舉
向來供億冗費悉裁革之修理學宮疏築水利
士民利賴之折獄平允案無滯牘去之日牧豎
皆惜之阮通志

羅鶚江西宜黃舉人萬厯間任文昌縣清介嚴慎
政肅民和立社學課士均丈田畝移建清瀾所
城惠澤浹人海寇林道乾服其德化蕭志

瓊州府志

卷三

官師 宦績

三

胡廷濟江西都昌人由監生在文昌令政尚寬平
心存撫字在任民安之去任民懷之賈志

陸親仁浙江蘭溪人嘉靖間任文昌主簿自奉儉
約御下寬平寵辱不驚和而能介歸裝不名一
錢苞苴甚至者峻却之或曰官簿尉耳何苦乃爾
親仁曰貪廉二字不以官大小分也豈小官獨
不可自樹立耶卒無所受阮通志

葉懋南海人嘉靖間文昌訓導手不釋卷口不言
利賑濟貧生表揚節烈泮池齋舍俱捐俸修理

蕭志

陳址連江舉人嘉靖間宰臨高廉明慈惠禮士愛

民因送考偕諸生北渡舟溺士民哀慕塑像澹
庵書院祀之并祀名宦蕭志

尹尚賢通志賢作賓廣西桂林舉人嘉靖二十九年任

臨高教諭以身率教諸生貧乏者分俸助之日
按典籍務以名節相礪尋陞國子助教郝通志

周振廣西臨桂人知昌化縣性慈愛教民務本抑
末先是縣治在二水洲中振請遷今治蕭志

彭希顏福建莆田人嘉靖間宰昌化愷悌樂易政
平事簡嘗曰民間有要害事具牘而後報妍究

聞風佚矣置鼓於門使控事者鳴之聞鼓聲即
出坐堂剖決是非須臾立斷誣者坐之加懲其

瓊州府志

卷三

官師 宦績

三

鳴鼓之罪有樵者入山採薪其子氣忿殺人比
暮歸獄已具申解就道矣其治事敏速如此嘗
捐建縣治修砌街道卒於官囊無一錢士民惜
之阮通志

張三光江南武進人知昌化縣慈惠愛民申請豁
免虛糧免民賠累禁逐礦盜邑賴以安賈志

莫汝俊廣西馬平人嘉靖間知陵水平易近人廉
靜不擾修舉廢墜惠愛在民解任去民遮道攀

泣賈志

韋邦相廣西平南人嘉靖間知樂會縣修學宮築
隄灌田民受其利縣志

頂邦柱廣西桂林中衛人領嘉靖辛卯鄉薦爲番
禺訓導以善教屢爲撫按所薦二十六年擢感
思知縣教養兼施視民如子賑凶荒恤憫獨時
值黎人不靖躬詣黎岐勸諭不避艱險竟以勞
瘁卒於官士民哀之黃通志

張子宏廬陵人進士嘉靖間以部郎出知瓊州冲
雅清約杜絕饋遺政尚寬厚持大體尤加意文
學建文廟立社學開拓府前街在瓊五載頌聲
溢於諸郡後歷官至本省左布政瓊人思念不
忘崇祀十賢祠又有蔣一鴻者南直人崇禎間
知府創建東南門外月城並祀十賢祠蓋亦有

瓊州府志 卷三 官師 宦績

功德於民而後祀之也郝通志今俱祀名宦

陳茂義字喻之慈谿人嘉靖進士授南工部主事
陞廣東按察副使備兵瓊崖黎寇羅常那剛倡
亂茂義航海勒兵擊破即温柳根諸洞俘馘招
降又慮夷獠雜居易生他變更條上八議爲善

後計阮通志

胡永成字思貞江西安福人嘉靖乙丑進士授涇
縣知縣累官南雄知府政聲大著用薦擢廣東
按察副使整飭瓊崖兵備時方有備黎之役永
成曰凡有病吾民者卽黎也不此之責而但欲
備黎黎將有辭矣且黎亦人也使吾有以處之

彼自食其土烏庸絕矣於是籍墨吏效尤暨疆宗怙勢者必抵於法人始知畏而名會如那紅狗黃猪次第俱送款尋卒於官

阮通志

程默字子杰休寧人嘉靖乙酉舉明經卒業大學除廣州府同知值詔征安南兵興費鉅默從容調度民不知困甫至謁先聖畢倡言風俗波頽獄訟蝟興皆斯學不講之故亟請祀開府王陽明巡察御史以爲知大體特薦之黎負險憑陵瓊崖世爲害默建策乘勝畫五指山爲十字道分官據險錯居民其中徙黎於山外不數年且爲衣冠之域當事者不欲久駐兵遂中止士議

瓊州府志

卷三

官師 宦績

三

惜之

獻徵錄

高卓籍貫未詳嘉靖間海南衛指揮同知持重善戰得士卒心歲統舟師海上剿寇前後斬獲無算軍民多賴以全神尖之役卓以二艦驅賊三十餘舟殺賊百餘人斬其首領王驄賊從後以礮擊之畏傷力戰賊乃敗去是夕卒巡道史朝

宜厚賻輓之以詩

阮通志

汪宜南山所千戶性孝讀書尙禮管屯均田輕賦貧丁賴甦立社學教養軍丁之後秀者一時多所成就嘉靖四十五年海寇何喬犯境修浚城池爲守禦計椎牛饗士挺身出敵攻城宣射之

殲其執旗者賊遂遠去城賴無虞歷任二十餘年軍民德之蕭志祀名宦

崇昇中所千戶勇冠三軍每出海捕賊必先登陷陣所獲財物悉散兵卒故人樂為用保障瓊海者十餘年賈志祀名宦子維績世其官累遷至兩

廣坐營都司署清瀾所威服峒黎萬歷十七年平澳黨諸將各爭功伐維績獨恬然海忠介嘗曰崇昇梟雄之將維績才優守潔亦武弁巾首

稱者蕭志

劉鶴齡廣西桂林人嘉靖間尹瓊山政教清靜撫循黎庶民安衽席閭閻無擾追呼不聞去官之

瓊州府志

卷三

官師 宦績

三五

後有甘棠蔽芾之思郝志

吳邦俊廣西臨桂人知瓊山縣為政寬和居官廉潔糧耗贖鍰一切不取民有寶金於甕以獻書其覆曰蟹醢邦俊覺而却之往復數四卒無所受臺司嘉其清操特疏薦之阮志

洪經興安人嘉靖初知臨高縣廉明果斷備悉民瘼興革利病民甚便之為上官所忌掛冠去士民皆泣送之蕭志

朱絃湖廣郴州貢生嘉靖間會同教諭師道尊嚴

待士以禮賈志

陳覺湖廣新寧舉人嘉靖間會同訓導德性溫良

學術淳正講習精勤士心悅服

張鳳陽吉水人嘉靖初以國子生宰臨高廉靜儒雅有古循吏風莅政寬和善於撫綏常與諸生講學罔倦去之日惟圖書數卷俱同上

周思久字子徵麻城進士隆慶元年由浙江運同擢瓊守以母老疏辭不允泄任首重德行之士適巨寇許瑞百餘艘據海港中外洶洶思久不動聲色徐出示諭之賊遂遁去廣詢瓊俗利弊舉行鄉約旌善做惡義士節婦親行弔祭僚屬更相濯磨纂集諸書著近民柯則大儒學宗聚生儒於書院躬自講授置射圃談藝之暇習射

瓊州府志

卷三

官師 宦績

三

在任五月政治改觀聞母病卽解綬去抵家三

日母終人以爲孝感都御史海瑞稱其賢俱同上

許孚遠字孟中德清人嘉靖四十一年進士授主

事隆慶初以高拱薦出爲廣東僉事明史儒林傳分

巡海北道時海賊李茂肆掠瓊南漳寇莊西復

率倭奴流劫瓊山文昌諸邑郡守危甚孚遠由

海北引兵至人心稍定先是同知陳夢雷議發

鄉兵人情恟懼孚遠止之制府欲令總戎統兵

二萬南來復却之剿撫並行卒招安李茂等擒

倭黨七十餘人海氛平靖瓊南賴以粗安皆孚

遠之惠也

周希賢莆田人隆慶中守瓊州政尚寬和不爲禱刻僚屬咸德之士民被膏澤者頌聲不絕嘗刻諭瓊體要備言治瓊之法使觀者有所循式焉又重修郡乘頗稱典要郝通志祀名宦

李紹賢號檢齋清江舉人隆慶中知萬州事母至孝爲政廉靜斷獄多所平反愛民禮士恤貧理冤一時囹圄空虛海忠介嘗稱其爲官不入民怨之錢不以民怨之錢養其親去之日送者遮道如失慈母蕭志

馮宗魯廣西桂林人隆慶間由澄邁教諭陞府推官決疑出滯胥得其平操行清白苞苴不染時

瓊州府志 卷三 官師 宦績 三

海寇猖獗宗魯挺身撫諭一郡賴以爲安同上

謝應元福建沙縣舉人知定安縣獎士類恤孤貧黎人王承祖率眾歸化倭寇圍城親當矢石署儋州廉平如一嘉隆以來罕有匹者郡守周思久雅重之民間有愷悌君子之稱陞建昌府判

賈志

牟春華字萬林廣西鬱林州人隆慶丁卯舉於鄉由回會教諭擢儋州牧孝友性成居官慈惠嘗捐俸建學賑饑州屬黎人頑梗難治春華恩威並用向化者眾卒於官歸櫬日百姓送至海上

者環岸號泣阮通志

林志福建福寧州人隆慶間瓊山教諭制行端方訓生徒隨事規戒貧者捐俸賑之事上不諂下交不瀆擢王府官去蕭志

陳宗聖福建莆田人隆慶間爲萬州吏日以山僻小民多沿黎俗無嫁娶禮失夫婦之道乃編立戶口冊注寫年歲使皆以年齒相配捐俸助之人比之東漢任延阮通志愛民好士供應常例悉爲裁革去之日州人立碑頌其德蕭志

施可材福建侯官人任定安典史勤勞奉職訓練民壯隆慶六年漳寇莊酋引倭賊三百餘渡海夜劫定安可材親率民壯捍禦操巨斧碎其首

瓊州府志

卷三

官師 宦績

三

賊賊乃退駐大底村與縣尹謝應元日夜巡守舉人程大慶捐家貲以資守禦倭知有備乃渡河北掠沿海多受其害獨定安無擾民感念之請祀名宦阮通志

林邦達福建福清人臨高典史隆慶六年海賊許萬仔率倭寇攻城邑人洶洶邦達督兵負土填太平橋障水灌之賊環而東卽并力東守屢戰却賊已而賊乘夜登城邦達飛石殺其渠帥守兵應之賊眾潰走斬獲百餘人城賴以全初賊未至邦達率民浚壕人皆迂之卒以壕深賊不能越復築月城修學宮入覲祖餞如市邑人繪

圖海忠介爲文叙焉祀表功祠

阮通志

魏成忠江南人以左參政兼視學政日集諸生闈

經論史功在膠庠築壩修濠澤垂士庶祀名宦

蕭志

林如楚福建人先以副使督廣東學政萬曆壬寅

復起以按察副使分巡海南釐剔諸弊注意學

校考課先德行而後文藝士風丕變時郡以黎

馬矢之役供億繹騷百姓疲敝如楚鎮以清靜

黎平後建水會所設城池剗公廨議兵餉嚴守

禦立社學化黎童綜理微密闔郡晏然歷官工

部侍郎

賈志

祀名宦

瓊州府志

卷三

官師 宦績

三九

舒大猷湖廣通城舉人歷官海南兵備逾年加敕

督學巡歷所至一切故例悉斥止之治盜極嚴

覈境內肅然

賈志

祀名宦

蔡夢說字君弼福建龍巖州人進士萬曆十六年

巡按抵瓊問民疾苦尅者阻於干陬夢說立

撤之盡其所言備知衙猾土豪悉實諸法海賊

李茂陳德樂等據舖前官兵不能制夢說開示

大義諭以禍福各俯首解散三十五年以憲副

兵備督學益事振作申濫受民詞之禁戒部差

下鄉擾民者法無貸練軍實嚴考校摘發代冒

諸弊豪貴者無所行其私閱諸生會課諄諄提

誨州縣遠赴者優之餼任三載境內晏然陞分
守南韶參政行之日猶慮積奸復爲民患版其
名於道門左賈祀名宦志

姚履素浙江仁和人進士萬曆三十六年任按察
司副使四十一年黎賊廖二肆劫陵水百戶陳
克先爲其所害時適平崖黎履素偕參將葉應
春督兵進剿生擒那求那欣等置於法設白茅
營以禦之加意招撫歸者十六陵民賴以安陵志

汪起鳳字來虞吳縣人萬曆辛丑進士累官廣東
左布政使在任六載擢浙江巡撫以不附魏閣

瓊州府志

卷三

官師 宦績

早

且東粵獨無闍祠忠賢矯旨與督府何士晉同
日奪職崇禎初起用補海南學道卒祀省名宦

郝通志

薛夢雷字鳴字福清人萬曆初由江山令徵入爲
御史以不媵阿失江陵權協院王篆擠之出爲

廣東僉憲備兵瓊崖轉參議副使破平大泥賊
蠻賊海賊蘇觀陸葉宗權等獻徵錄

李多見福建仙遊人萬曆中以文選郎中擢守瓊
州重學校嚴吏胥民有訟者諭以曲直不事敲
扑二十七年黎馬矢亂多見申文誓眾討賊止
擒首惡不許妄殺招募義兵親詣督戰竟獲馬

矢凱旋後請立水會所設官兵守禦以母老乞
休士民懇留不可得束裝之日惟圖書數篋父
老遮送贈金不受北渡至海安篋中檢得沉香
立焚之瓊人爲建燬香亭並建生祠顏曰忠孝
清高著有周禮紀畧楚遊學源小學等書阮通志
祀名宦

翁汝遇浙江仁和進士萬曆三十七年知府事興
利釐弊施藥賑貧訓課士子安集流離建橋梁
以免厲揭謹烽埃而親守望早禱格天撫黎向
化四十一年調河南衛輝府去任賈志祀名宦

吳廷雲號白漚福建閩縣人通志作長汀人萬曆庚戌進

瓊州府志

卷三

官師 宦績

聖

士擢守瓊州革屠牛錢三千餘金捐榔榔歲課
五千金廉能公恕課農講約化導維勤考績爲
天下清官第二尋改肇高兵備阮通志祀名宦

倪凍上虞人歷知撫州淮安荊州瓊州四府有當
官稱瓊州瀕海有港可田募民興築得田千畝
官司其佃以其半贍諸生膏火以其半備之備
荒倉嗣後遇祲歲民賴以無憂阮通志祀名宦

吳錢湖廣澧州人爲府同知廉公愛民嚴於馭下
躬親案牘猾吏斂手萬曆三十三年地震瓊民
壓死以千百計錢躬自稽察得實捐俸金埋葬
之震蕩之後百役並興調度有方民不苦役後

以左遷去衆論惜之賈祀名宦

萬煜南城舉人萬歷間同知雷州有政聲士頌民

懷署瓊數月平崖黎亂政績茂著兩臺會薦補

瓊守竟以他事左遷去士民立碑志去思焉郝

志

高維岳宣城舉人萬歷二十九年授雷州府推官

廉明有執時遠近地震瓊郡尤甚田畝陸沉官

署民居俱毀維岳奉委攝瓊矢心擘畫不半載

積逋頓完堂宇復立時礦徒萬餘人將聚為亂

以計解散之渡海還雷行李不加直指李應魁

深為器重特薦其邊材欲超用之竟循資平轉

瓊州府志

卷三

官師 宦績

聖

得鞏昌同知以去公論惜之阮通

陳龍字蒼岷廣州東莞舉人成化間判瓊州府值

生黎反督臣以軍事委龍龍椎牛饗士以血沙

塗皮兩人共持一張黎箭不能入提八十觔鐵

簡擒其會長蒲盧男黎寇平學士邱濬以詩褒

之有誰知別駕真丈人秋毫無犯除妖氛之句

陞廣西僉事阮通志○按此錯簡當在徐時中傳之上

吳俸浙江會稽人府通判瓊自萬歷二十年以督

捕兼撫黎至二十九年添設撫黎通判俸乘馬

矢剿定之餘開示信義招撫黎人黎出聽招者

數十尚願輸約者數百頃時建設水會所社學

取府學生儒教黎童習讀黎人因此知學署瓊山愛民如子有積案連年不決俸視事即時昭雪禁革浮耗令懸鉅署門外有擅增分釐者寘法後以左遷去士民送者絡繹數十里郝通志祀名宦

曹學蘇廣西全州人萬厯癸卯舉於鄉在瓊州府通判以廉能稱阮通志

戚大勲德慶州人府學訓導持已端莊接物和霽蕭志

韓鳴金字伯聲博羅舉人萬厯間府學教授博洽經史工於詩文勤課藝精品騰動由禮度癸巳

瓊州府志

卷三

官師 宦績

星

校修郡志陞知宣化縣賈志祀名宦

吳良弼增城人萬厯間府學訓導操履端方三署學印皆却餽不受又署會同縣印政平刑簡士庶稱之郝通志祀名宦

龔漢臣湖南籍貴陽舉人萬厯間知瓊山縣時邑當採珠征黎後財力耗傲民不堪命漢臣力為節省每從寬厚使得休息未幾以艱去士民惜之載餼糧伺祖於道郝通志

陳應禮宣化人萬厯間任瓊山教諭能持大體接士以禮署崖州革除浮耗及歸崖民泣留上同

梁尙道順德舉人博羣書工詩文萬厯間任瓊山

教諭捐俸修學日勤課藝兩分秋闈所得皆名
流當事以東南文衡額其門陞知修仁縣著有
看竹集出山草阮通志

陳榮選福建同安舉人萬厯間知儋州潔已愛民
勤於造士在任五年利興弊革州人思之與陳
節潘楠并祀稱三賢祠蕭志

潘楠南京衛人萬厯間知儋州廉介自持一切工
役俱出已俸往時常例悉為裁革罰贖緩金不
入私橐布衣糲食有人所難能者卒於官士民
哀之蕭志

曾邦泰江西廣昌人萬厯四十二年由舉人知儋

瓊州府志

卷三

官師 宦績

器

州廉明有守片言折獄遷學修志築隄防海革
浮耗除陋規善政不可悉數賈志

王一岳福建連江舉人萬厯初任萬州廉簡和易
築城修學增廨舍庶事畢舉賈志祀名宦

茅一桂浙江歸安人萬厯中任萬州才優學富折
獄平允劄輯州志尋遷同知同上

辜志會福建晉江舉人萬厯中任萬州折獄公明
催科不擾歲大祲捐俸煮粥以食饑民勸邑中
有力者共濟又東郊石路久壞倡捐重修士民
立碑紀之遷南府同知蕭志

林廷蘭福建龍溪人萬厯中任萬州愛民禮士平

讞寬刑修學建塔申革私稅遷黃州府同知上
楊論廣西臨桂舉人以府同知署萬州事政簡刑
清恬靜愛民不擾里甲審定戶口役按米均攤
時值舉兵征黎編夫運米州夫四百名各折
銀十二兩論爲詳減又狼兵過境調度有方邑
無擾攘待民如家人父子請託不行士民立碑
建祠以志不朽

萬州志

鄔若虛字君受萬厯副榜授崖州牧適黎蠻猖獗
若虛增城浚濠與總鎮協力拒守裹甲不解者
五旬賊宵遁又海寇引倭蹂躪崖土若虛以信
義糾結衆民兵先告妻子曰封疆任重身與城

瓊州府志

卷三

官師 宦績

聖

爲存亡義不反顧爾等須自爲計妻洪氏亦預
激督井以待於是厲氣登城將士用命時出奇
計以疑寇寇乃驚潰

阮通志

曾拱璧莆田舉人萬厯間知澄邁勤慎廉明始終
一致修學宮纂縣志葺公廨增學田不費公帑
不捐民貲在任三年政簡刑清士民歌頌建祠
立碑以紀其德

郝通志

莫恃英廣西靈川舉人萬厯二十年知澄邁縣才
識精練惠義並行修外橋開雲路並建學前三
坊後遷杭州通判

縣志

林夢祥莆田吏員萬厯間任澄邁主簿勤慎清廉

署縣事一介不取卒於任一室蕭然當時輓詩
有心同澄水淨名共邁山高之句賈志祀縣名宦
賀沚江西廬陵人萬厯間知文昌縣專尚德化不
作威稜獨嚴馭吏胥釐革諸弊政值歲饑僅做
古常平法儲穀備賑多所全活創建玉陽書院
親與諸生講學課藝一時文風丕變數年之間
縣庭少事陞蘇州府同知去之日士民隨淚送
至海濱者數百人蕭志祀名宦

汪金聲江南六合人萬厯間任文昌縣簡靜廉潔
與民休息滌除弊政請豁虛糧以缺餉降調士
民赴省請留復任後遷保安知州祀名宦同上

瓊州府志

卷三

官師 宦績

吳

計恆亨廣西人萬厯間文昌訓導正己率士復學

中濟貧田勒碑定制澤垂久遠

俱同上

柯應鳳福建龍溪舉人萬厯初知會同縣省刑薄

斂節用愛民嚴而有守吏畏民懷賈志善斷獄邑

有甲訟乙為盜主而乙復訐甲盜葬墳塋者構

獄十年不得結逮繫斃者十數輩應鳳下車即

首鞠之三日得情皆誣告也案乃冰釋合邑頌

其神明阮通志

徐應麟福建莆田舉人萬厯十三年知會同縣禱

雨濟饑民皆感德勒碑志之遷永州通判蕭志

王密福建甌寧舉人萬厯十七年任會同縣弛禁

利民廉平寬惠多著善政賈志

鄧桂芳四川成都舉人萬曆四十年令會同平易

廉明安良懲惡邑人立碑以志去思同上

吳道亨江西浮梁監生初判萬州萬曆四年縣志作十年

六擢知陵水縣精明果斷胥吏無敢欺者尙警

時發乃訓練鄉勇為備少有騷動即發兵破之

威行境內吏民晏然阮通志

吳復清福建同安人萬曆間萬州學正黜虛聲崇

節槩遵古道卻贊儀文學德行不愧師表蕭志

陳節晉江舉人萬曆間知臨高縣德性溫純才達

政簡明於斷獄有盜殺人者獄具於前令節復

瓊州府志

卷三

官師 宦績

罷

鞫之視其器為屠刀訪其人素未習屠也疑而

置之數日得真殺人者乃屠而囚固平民也釋

之邑頌其神明阮通志奉檄丈田廉謹均平海忠

介稱其公廉勤慎四道備焉晉儋州守民泣留

不獲為勒碑紀德蕭志

柯重光莆田人萬曆間由舉人授臨高令德性莊

嚴政清訟簡士民愛戴祀名宦蕭志

秦中權廣西博白舉人萬曆十年任感恩令縣治

自正統間由九龍山遷於中和鄉即今治初築土

城中權議遷大雅坡銳意經營撫民興教備極

勞瘁今祀名宦祠賈志

黃道充江西南城人萬厯間令感恩值歲饑人乏食邑故磽瘠民黎雜處往往乘饑劫奪道充爲設防施賑遠近晏然同上

朱景和浙江遂昌人萬厯二十四年知感恩縣縣

固井里荒涼水土惡劣景和乃復遷還中和鄉

舊址即今修築城池別建公署創設書院課士

其中微景和感恩幾不成治卒於任邑人立祠

祀之郝通志

宋德盛湖廣武昌人萬厯間任感恩縣正直不阿

精於折獄奸民猾吏望而畏之公庭蕭然蕭志

黃鵬茂名人萬厯間任昌化教諭模楷端正能以

瓊州府志

卷三

官師 宦績

吳

信義服人捐俸置學田貧生德之同上

董遵字道卿浙江蘭溪人初爲南昌府訓導用薦

遷溧陽教諭又薦遷江浦令以不能俯仰於時

上章仍乞就文學職移近養母不得請調海南

感恩令踰年即以終養乞歸詔許之兩任教職

再宰邑一介不污其身投老之秋荒徑蕭然叢

莽寥閱朝夕不謀也阮通志

何尙賢號芬林順德人恩貢生由江西寧都訓導

遷陵水教諭嘗捐建習靜軒率諸生講貫其中

昕夕諄諄不倦邑距省遠赴科者每苦用乏尙

賢資以程費見民俗樸陋取文公家禮擇其簡

要易行者梓之更著訓言誠諭俗爲之變時海
寇猖獗矚邑令城守他出突率數百人攻城尙
賢奮勇登陴招呼士民日夜堵禦賊不敢薄乃
使間道赴萬州請兵兵至賊遂遁尙賢質驍弱
如不勝衣及臨戰憤不顧身其義勇如此尋遷
府教授著有芬林集四卷同上

鄭邦直雲南永昌人萬厯中知崖州興利除害緩
征恤刑加惠災獨作養人才嘗捐俸金買田以
贍學者士民尸祝之祀名宦蕭志

顧斌字質夫晉江人萬厯己酉舉人初令信宜民
有十異政之歌海賊李魁奇寇吳川當道知斌

瓊州府志

卷三

官師

宦績

異

才檄治之斌躬屬纊韃兩次督戰殪其前鋒賊
遁去嘗攝理電白化川二篆所在攀輿久之遷
萬州牧尙黎山寇各相戒不敢犯阮通志

劉文岳晉江人萬厯初宰臨高留心民瘼歲旱輒
焚香以身祈禱暴烈日下終日無倦容已而甘
雨沾足士民立石紀之縣志

霍與逵南海人萬厯間由舉人任澄邁教諭手不
釋卷課士無虛日門下咸以得師爲慶四方來
學者雲集一時文教大興踰年以艱去澄邁志

劉慶餘歸善人萬厯四十年由餘杭訓導遷澄邁
教諭宏博有養風裁獨持一時士習以端纂修

縣志多出其手同上

旦起元江西人天啟間知府事事蹟未詳舊志列

名宦蕭志

毛一公富川人天啟中由選貢任萬州清操卻餽

晏然無擾以憂歸行李蕭然州人送者於東山

大石刻民不能忘四字以志去思賈志

俞與孝鎮海人由舉人知萬州簡易慈祥獄訟不

苟同上

鄧繼述全州舉人天啟間澄邁教諭品高行潔軌

範卓然遷樂昌知縣蕭志

趙從詔漳浦舉人天啟二年任樂會縣仁恕寬平

瓊州府志 卷三

官師 宦績

卒

讞獄明允卒於官民罷市號泣賈志

詹世龍字見卿海康人由選貢授桂林府訓導先

正德行後課文藝領廣西鄉薦轉文昌縣教諭

時文昌以魚課米支諸生廩糧經年莫給申當

道革之至今賴焉陞平樂知縣阮通志

熊若龍字羽人南海舉人天啟間文昌教諭工翰

墨善吟咏倡修學宮有功庠序以宋儒理學兼

晉人風致允稱儒雅之師蕭志

周長祚江西豐城舉人天啟元年知澄邁縣課士

恤民捐修學宮開新南門以啟文明之運後遷

楚雄通判縣志

張璠福建同安進士崇禎初任萬州明習吏事規

畫久遠賈志

曾光祖清江舉人崇禎間任萬州平恕識大體為

民興利除弊儲穀備賑同上

游岳順德人歲貢生崇禎十一年任定安教諭德

性謹厚不作威稜講學課文始終不倦嘗曰人

貴立品先德行而後文藝作正學歌以勵世尤

工詩辭解組曰諸生為立去思碑定安志

陳端蒙歸善人歲貢崇禎十五年任定安教諭詳

免丁祭折乾里民德之甲申之亂黎賊符元豪

黨千餘人攻城縣令公出端蒙權攝親冒矢石

瓊州府志 卷三

官師 宦績

至

禦賊圍解居民安堵端蒙之功也邑人至今思

之上

周廷鳳四川廣元舉人崇禎間宰文昌操履廉潔

視民如子蕭志

楊六府浙江平湖人崇禎間知陵水縣剛方清正

折獄明允民有謀為不軌者密捕之撫軍薦於

朝書其考曰端品真儒嘗手書楹帖云守伯起

家風四知不愧過剛峯故里百折難回陵水志

瞿罕黃梅縣諸生崇禎中科道交章薦於朝十三

年徵授知崖州以興教育才為已任故事崖黎

月供米可三十石罕曰國家歲給祿餉何為有

此具請罷之黎人大悅爲之勒石十五年閩人林八等作亂罕受計於樂羅民刑廣裔襲殺之賊平是冬以病告歸旣出郭單騎而去祖餞者各悲不自勝民思慕之比於臨桂朱宏云

阮通志

朱宏廣西臨桂人由鄉舉除吳川令崇禎七年晉知崖州仁恕愛民八年大祲宏不忍催科賦不及額郡守及臺使數加誚讓宏上奏記畧曰降黜是甘不忍令愚民剝肉竭髓也九年因諸生請移學東郊考滿當遷以簡傲忤中貴報罷歸士民泣送百餘里祀名宦

蕭志

胡宗瑜湖廣荊門州舉人崇禎間宰臨高慈惠勤

瓊州府志

卷三

官師 宦績

三

廉崇儒重士每月會課與諸生論文弗倦興革利弊士民感德建通明書院祀之鐫神明父母四字於石以誌不忘

蕭志

楊鳳朝本貫未詳崇禎間知感恩縣保民若赤息訟無爭至今父老猶稱道之

鍾麟郊廣西舉人知感恩縣勸農務本招集流亡以實心行實政與鳳朝名相埒皆有造於感恩者

同上

張大紳浙江人恩貢生崇禎三年任澄邁縣下車三月八覲士民樂資助之一無所受及還歷任六年廉明益著卓有政聲凡修學宮葺橋道皆

不吝捐金以觀厥成後遷寧州知州澄邁志

饒立定程鄉人崇禎十一年任澄邁訓導正學規

持風紀勤課藝濟貧生時典史誤以事詳革生

員立定侃侃爭論生誣得雪嘗捐資修葺黌宮

後改連山教諭同上

郭守命海陽人崇禎間歲貢任定安教諭師範端

嚴能以信義服人捐俸置學田歲租除供賦役

外悉給貧生為科舉之資士皆德之有去思碑

定安志

范維垣四川人崇禎間任陵水知縣胸懷磊落長

於文詞愛士恤民政從寬簡興革利弊汲汲如

瓊州府志

卷三

官師 宦績

五

恐不及治陵九載海洋無警黎岐馴服捐修解

宇城池諸事必親往巡視身任勤勞去任時行

李半肩而已陵水志

